

# BESTELAKO XEDAPENAK

## SEGURTASUN SAILA

### 1603

*38/2018 DEKRETUA, martxoaren 20koa, zeinaren bidez aldatzen baita Euskal Autonomia Erkidegoko hauteskundebatzordeko burua eta bokalak izendatzen dituen Dekretua.*

Eusko Legebiltzarrerako hauteskundeei buruzko ekainaren 15eko 5/1990 Legearen (15/1998, 6/2000, 1/2003, 4/2005 eta 11/2015 Legeek aldatutakoa) 18.4 artikuluan xedatutakoari jarraikiz, Euskal Autonomia Erkidegoko hauteskundebatzordeko burua eta bokalak izendatzen dituen maiatzaren 2ko 151/2017 Dekretua onetsi zen (2017ko maiatzaren 5eko EHAA, 84. zk.).

Dekretu honen bidez, aipatutako maiatzaren 2ko 151/2017 Dekretua aldatzen da; izan ere, Euskal Autonomia Erkidegoko Justizia Auzitegi Nagusiko gobernusalak beste magistratu bat hautatu du bokal judizial, erretiroa hartu duen magistratu bat ordezkatzeko, hala zehazten baitute ekainaren 15eko 5/1990 Legearen 18.1.b) eta 28. artikuluek.

Hori dela eta, Segurtasuneko sailburuaren proposamenez, eta Gobernu Kontseiluak 2018ko martxoaren 20an eginiko bilkuran eztabaidatu eta onetsi ostean, honako hau

#### XEDATZEN DUT:

Artikulu bakarra.— Euskal Autonomia Erkidegoko Justizia Auzitegi Nagusiko gobernusalak hautatutako José Antonio González Saiz magistratu jauna Euskal Autonomia Erkidegoko hauteskundebatzordeko bokal izendatzea, Manuel Díaz de Rábago Villar jaunaren ordezkari.

#### AZKEN XEDAPENA

Dekretu hau Euskal Herriko Agintaritzaren Aldizkarian argitaratzen den egunean jarriko da indarrean.

Vitoria-Gasteizen, 2018ko martxoaren 20an.

Lehendakaria,  
IÑIGO URKULLU RENTERIA.

Segurtasuneko sailburua,  
ESTEFANÍA BELTRÁN DE HEREDIA ARRONIZ.